

Odluka o imenovanju članova Visokih sudskih i tužilačkih vijeća

Koristeći se ovlaštenjima koja su Visokom predstavniku data u članu V. Aneksa 10. (Sporazum o sprovođenju civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o sprovođenju civilnog dijela Mirovnog ugovora; i posebno uzimajući u obzir član II.1. (d) prethodno spomenutog Sporazuma prema kojem Visoki predstavnik “pruža pomoć kada to ocijeni neophodnim, u iznalaženju rješenja za sve probleme koji se jave u vezi sa civilnim sprovođenjem”;

Pozivajući se na stav XI.2 Zaključaka sa Konferencije o sprovođenju mira održane u Bonu 9. i 10. decembra 1997. godine, a na kojoj je Vijeće za sprovođenje mira pozdravilo namjeru Visokog predstavnika da upotrijebi svoj konačni autoritet u zemlji u pogledu tumačenja Sporazuma o sprovođenju civilnog dijela mirovnog ugovora kako bi pomogao u iznalaženju rješenja za probleme, kako je prethodno rečeno, “donošenjem obavezujućih odluka, kada procijeni da je to neophodno” u vezi s određenim pitanjima uključujući (u skladu sa tačkom (c) ovog stava) “mjere u svrhu osiguranja sprovođenja Mirovnog sporazuma na cijeloj teritoriji Bosne i Hercegovine i njenih Entiteta” i koje “mogu uključiti aktivnosti protiv osoba koje vrše javnu funkciju ili dužnosnika...za koje Visoki predstavnik utvrdi da su prekršili zakonske obaveze u skladu sa Mirovnim sporazumom ili odredbama njegove implementacije”;

Imajući u vidu dvije odluke Visokog predstavnika od 23. maja 2002. godine, kojima je izmjenjen i dopunjen Ustav Federacije Bosne i Hercegovine i Ustav Republike Srpske, u kojima su navedene ustavne osnove za uspostavu Visokog sudskog i

tužilačkog vijeća Federacije Bosne i Hercegovine i Visokog sudskog i tužilačkog savjeta Republike Srpske;

Imajući dalje u vidu Zakon o Visokom sudskom i tužilačkom vijeću Bosne i Hercegovine (Službeni glasnik Bosne i Hercegovine 15/02, 2.juli, 2002. godine), Zakon o Visokom sudskom i tužilačkom vijeću Federacije Bosne i Hercegovine (Službene novine Federacije Bosne i Hercegovine, 22/02, 5. juni 2002. godine), i Zakon o visokom sudskom i tužilačkom savjetu Republike Srpske (Službeni glasnik Republike Srpske, 31/02, 10. juni 2002. godine), koji utvrđuju pravni okvir za sva Visoka sudska i tužilačka vijeća u cijeloj Bosni i Hercegovini i ovlašćuju Visokog predstavnika da imenuje sve članove Vijeća za prelazni period kako je to određeno zakonom;

Uočavajući potrebu da se osigura primjena svih međunarodnih i evropskih standarda u toku prelaznog perioda rada Vijeća u kojem će se izvršiti reorganizacija sudova i tužilaštava kao i odabir sudija i tužilaca za mjesta u reorganizovanim sudovima i tužilaštvima;

Uočavajući dalje potrebu za nezavisnim i nepristrasnim radom Vijeća kako bi se postigli osnovni ciljevi koji čine osnovu gore navedenih zakona i ustavnih izmjena i dopuna, kao i neprocjenjivu korist koju bi narod i pravosudni sistem Bosne i Hercegovine imao od međunarodne stručne pomoći u toku prelaznog perioda;

Na osnovu gore navedenog, ovim donosim slijedeću

ODLUKU

o imenovanju članova Visokih sudskih i tužilačkih vijeća

1. U skladu sa članom 76. Zakona o Visokom sudskom i tužilačkom vijeću Federacije Bosne i Hercegovine i članom 76. Zakona o visokom sudskom i tužilačkom savjetu Republike

Srpske, slijedeće osobe se imenuju za članove Vijeća osnovanih u skladu sa tim zakonima.

Visoko sudsko i tužilačko vijeće Federacije Bosne i Hercegovine

Gdin Zdenko Eterović, sudija Vrhovnog suda Federacije Bosne i Hercegovine;

Gđa Alma Tirić, zamjenik tužioca Federacije Bosne i Hercegovine;

Gdin Davorin Jukić, sudija Kantonalnog suda u Sarajevu;

Gdin Izo Tankić, kantonalni tužilac u Tuzli;

Gđa Danka Vučina, advokat iz Mostara i

Gdin Kasim Begić, profesor Pravnog fakulteta u Sarajevu.

Visoki sudski i tužilački savjet Republike Srpske

Gdin Stevan Savić, sudija Vrhovnog suda Republike Srpske;

Gđa Svetlana Marić, zamjenik osnovnog javnog tužioca u Banjoj Luci;

Gđa Marica Vučetić-Zelenbabić, sudija Okružnog suda u Doboju;

Gđa Ranka Mršić, zamjenik okružnog javnog tužioca u Srpskom Sarajevu;

Gdin Milorad Ivošević, advokat, Banja Luka; i

Gdin Branko Perić, novinar, Banja Luka.

Međunarodni članovi Visokog sudskog i tužilačkog vijeća Federacije Bosne i Hercegovine i Visokog sudskog i tužilačkog

savjeta Republike Srpske

Gdin Silvio Bonfigli, tužilac, Italija;

Gdin Christopher Harland, advokat, Kanada;

Gdin Carlos Lobo, sudija, Portugal;

Gđa Susanne Moeller, sudija, Finska;

Gdin Jan Erik Oja, sudija, Švedska;

Gđa Sylvie Pantz, sudija, Francuska;

Gdin John Peyton, tužilac, SAD i

Dr. Axel Schwarz, advokat, Njemačka

2. U skladu sa članom 66. Zakona o visokom sudskom i tužilačkom vijeću Bosne i Hercegovine ovom se Odlukom imenuju slijedeće osobe za članove Visokog sudskog i tužilačkog vijeća Bosne i Hercegovine u prelaznom periodu do 31. decembra 2003. godine.

Gdin Branko Morait, sudija Suda Bosne i Hercegovine;

Gdin Venceslav Ilić, sudija Suda Bosne i Hercegovine;

Gdin Mirza Jusufović, sudija Apelacionog suda Brčko Distrikta;

Gdin Zekerija Mujkanović, javni tužilac Brčko Distrikta i

Gđa Ljiljana Mijović, asistent na Pravnom fakultetu u Banjoj Luci.

3. Osobe imenovane u Visoko sudsko i tužilačko vijeće Bosne i Hercegovine u skladu sa članom 2. ove Odluke radiće u tom Vijeću zajedno sa članovima entitetskih visokih sudskih i tužilačkih vijeća u skladu sa članom 1. ove Odluke.

4. Ovom Odlukom se, u skladu sa članom 66. Zakona o visokom sudskom i tužilačkom vijeću Bosne i Hercegovine, članom 76. Zakona o Visokom sudskom i tužilačkom vijeću Federacije Bosne i Hercegovine i članom 76. Zakona o visokom sudskom i tužilačkom savjetu Republike Srpske, određuju i imenuju slijedeći međunarodni članovi Visokih sudskih i tužilačkih vijeća za predsjednika i potpredsjednika sva tri vijeća:

Gdin Jan Erik Oja, predsjednik i

Gdin John Peyton, potpredsjednik

5. Sva imenovanja iz ove Odluke stupaju na snagu od dana donošenja ove Odluke.

6. Ova Odluka stupa na snagu odmah i biće objavljena bez odlaganja u Službenom glasniku Bosne i Hercegovine, u Službenim novinama Federacije Bosne i Hercegovine, u Službenom glasniku Republike Srpske i u Službenom glasniku Brčko Distrikta Bosne i Hercegovine.

Sarajevo, 6. august 2002.

Paddy Ashdown, Visoki predstavnik